



სსიპ ბათუმის შოთა რუსთაველის
სახელმწიფო უნივერსიტეტი

13 ნოემბერი, 2025 წელი

ბრძანება №01-02/205

2025 წელს (საშემოდგომო მიღება) ბსუ-ს პროფესიულ საგანმანათლებლო პროგრამებზე ჩარიცხვის უფლებამოსილებულ აპლიკანტთა რეგისტრაციის ვადების განსაზღვრის შესახებ

„უმაღლესი განათლების შესახებ“ საქართველოს კანონის 22-ე მუხლის 1-ელი პუნქტის, „პროფესიული განათლების შესახებ“ საქართველოს კანონის, ბსუ-ს წესდების მე-13 მუხლის, „პროფესიული განათლების დაფინანსების წესისა და პირობების განსაზღვრისა და პროფესიული საგანმანათლებლო პროგრამების განმახორციელებელ სახელმწიფოს მიერ დაფუძნებულ საგანმანათლებლო დაწესებულებებში სწავლის საფასურის მაქსიმალური ოდენობის დამტკიცების თაობაზე“ საქართველოს მთავრობის 2013 წლის 19 სექტემბრის №244 დადგენილების, „ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესის დამტკიცების შესახებ“ ბსუ-ს რექტორის 2019 წლის 08 თებერვლის №01-02/11 ბრძანების, „ბსუ-ს პროფესიული საგანმანათლებლო პროგრამებზე აპლიკანტთა შერჩევის წესის დამტკიცების შესახებ“ ბსუ-ს რექტორის 2021 წლის 16 ივლისის №01-02/115 ბრძანების, „ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესის დამტკიცების შესახებ“ ბსუ-ს რექტორის 2019 წლის 08 თებერვლის №01-02/11 ბრძანების, „ბსუ-ს პროფესიული საგანმანათლებლო პროგრამებზე 2025 წლის საშემოდგომო მიღების გამოცხადების შესახებ“ ბსუ-ს რექტორის 2025 წლის 27 აგვისტოს №01-02/164 ბრძანების, „2025 წელს პროფესიული საგანმანათლებლო პროგრამებზე სწავლის დაწყების თარიღის განსაზღვრის შესახებ“ საქართველოს განათლების, მეცნიერებისა და ახალგაზრდობის მინისტრის 2025 წლის 06 აგვისტოს MES0250000958349 ბრძანების, „2025 წელს, პროფესიული საგანმანათლებლო პროგრამის განმახორციელებელი საგანმანათლებლო დაწესებულების მიერ აპლიკანტთა პროფესიული საგანმანათლებლო პროგრამაზე ჩარიცხვის შესახებ ინდივიდუალური ადმინისტრაციულ-სამართლებრივი აქტის გამოცემის ვადის დადგენის შესახებ“ საქართველოს განათლების, მეცნიერებისა და ახალგაზრდობის მინისტრის 2025 წლის 06 აგვისტოს MES2250000958350 ბრძანების, „ბსუ-ს საბაზო და საშუალო პროფესიული საგანმანათლებლო პროგრამებზე 2025 წლის შემოდგომაზე ჩარიცხვისათვის აპლიკანტთა შეფასების ადგილის, თარიღისა და კომისიების შემადგენლობის განსაზღვრის შესახებ“ ბსუ-ს რექტორის 2025 წლის 06 ოქტომბრის №01-02/185 ბრძანების, „ბსუ-ს პროფესიული საგანმანათლებლო პროგრამებზე (მე-3 და მე-4 დონე) 2025 წლის შემოდგომაზე ჩარიცხვის მიზნით აპლიკანტთა რეიტინგული სიის დამტკიცების შესახებ“ ბსუ-ს რექტორის 2025 წლის 07 ნოემბრის №01-08/840 ბრძანების, „პროფესიული საგანმანათლებლო პროგრამებისათვის აპლიკანტთა რეიტინგული სიის დამტკიცების შესახებ“ სსიპ განათლების მართვის საინფორმაციო სისტემის უფროსის 2025 წლის 03 ნოემბრის MES1250001.1/109 ბრძანების, ბსუ-ს პროფესიული პროგრამების მართვისა და უწყვეტი განათლების ცენტრის დირექტორის 2025 წლის 10 ნოემბრის №1576597 სამსახურებრივი ბარათის საფუძველზე,

ვ ბ რ ძ ა ნ ე ბ ა:

1. 2025 წელს ბსუ-ს პროფესიული საგანმანათლებლო პროგრამებზე ჩარიცხვის მიზნით უფლებამოსილებულმა აპლიკანტებმა ბსუ-ში რეგისტრაციისათვის, ხელშეკრულების გაფორმებისა და პირადი საქმის გახსნის მიზნით 2025 წლის 13 ნოემბრიდან 19 ნოემბრის ჩათვლით (შაბათ-კვირის გარდა), 10:00-დან 17:00 საათამდე, ბსუ-ს პროფესიული

პროგრამების მართვისა და უწყვეტი განათლების ცენტრის ადმინისტრაციაში (ქ. ბათუმი, ლეონიძის ქ. №15, VI კორპუსი, მე-3 სართული, ოთახი №303) წარმოადგინონ შემდეგი დოკუმენტაცია:

ა) განცხადება (თუ აპლიკანტი ქმედუუნაროა/შეზღუდულქმედუნარიანია, განცხადება უნდა წარმოადგინოს მშობელმა/კანონიერმა წარმომადგენელმა);

ბ) პირადობის დამადასტურებელი მოწმობის ასლი (ქმედუუნარო/შეზღუდულქმედუნარიანი პირის შემთხვევაში ასევე მშობლის/კანონიერი წარმომადგენლის პირადობის მოწმობა და უფლებამოსილების დამადასტურებელი დოკუმენტი - პროგრამაზე ჩარიცხვის უფლებამოსილებული პირის დაბადების მოწმობა ან მეურვეობის დამადასტურებელი დოკუმენტი, რომელიც ადასტურებს განცხადების წარმოდგენაზე და ხელშეკრულების გაფორმებაზე უფლებამოსილებას);

გ) სრული ზოგადი განათლების მიღების დამადასტურებელი დოკუმენტის ნოტარიულად დამოწმებული ასლი - „საექთნო განათლება“, „აღმზრდელი“ „ბუღალტრული აღრიცხვა“ და „საბიბლიოთეკო საქმე“ პროფესიული საგანმანათლებლო პროგრამებისათვის, ხოლო საბაზო განათლების მიღების დამადასტურებელი დოკუმენტის ნოტარიულად დამოწმებული ასლი - „საფინანსო სერვისების“ პროფესიული საგანმანათლებლო პროგრამისათვის (პირმა, რომელმაც განათლება მიიღო უცხოეთში, უნდა წარმოადგინოს სსიპ - განათლების ხარისხის განვითარების ეროვნული ცენტრის მიერ გაცემული დოკუმენტი - უცხოეთში გაცემული საგანმანათლებლო დოკუმენტის აღიარების შესახებ);

დ) ორი ფოტოსურათი 3X4-ზე (მათ შორის ელექტრონულ მატარებელზე წარმოდგენილი);

ე) სამხედრო აღრიცხვაზე ყოფნის დამადასტურებელი დოკუმენტის ასლი (სამხედრო აღრიცხვას დაქვემდებარებული პირებისათვის).

2. ბსუ-ს პროფესიული პროგრამების მართვისა და უწყვეტი განათლების ცენტრმა უზრუნველყოს აპლიკანტთა რეგისტრაცია, ბსუ-ს ვებგვერდზე (ვებში - „განცხადებები“) განსათავსებელი განცხადების ტექსტის მომზადება და აპლიკანტთა რეგისტრაციასთან დაკავშირებით საქართველოს კანონმდებლობით განსაზღვრული მოთხოვნების შესრულება.

3. ბრძანება განთავსდეს ბსუ-ს ვებგვერდზე (ვებში „პროფესიული პროგრამების მართვისა და უწყვეტი განათლების ცენტრი“) და საქმისწარმოების სამსახურთან (კანცელარია) არსებულ საინფორმაციო დაფებზე.

4. ბრძანება დაეგზავნოს ბსუ-ს რექტორის მოადგილეს ინოვაციებისა და სტრატეგიული განვითარების მიმართულებით (მ. ხალვაში), ხარისხის უზრუნველყოფის სამსახურს, ადმინისტრაციის ხელმძღვანელს, ბსუ-ს პროფესიული პროგრამების მართვისა და უწყვეტი განათლების ცენტრს, იურიდიულ დეპარტამენტს, სასწავლო პროცესის დეპარტამენტს, სტუდენტთა კარიერული განვითარების, კულტურისა და სპორტის დეპარტამენტს და საინფორმაციო ტექნოლოგიების სამსახურს.

5. ბრძანება ძალაშია ხელმოწერისთანავე.

6. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (ქ. ბათუმი, ს. ზუბალაშვილის ქ. №30).

ბსუ-ს რექტორი

ტიტე არომიძე